

V Sažetak, finalna zapažanja i zaključci

Ova radionica poslužila je kao neutralna platforma za razmjenu različitih gledišta na takvu politiku o dijaspori koja je usmjerena na razvoj. Kao rezultat, ojačano je međusobno razumijevanje i povjerenje na svim nivoima institucionalnog okvira u regiji Zapadnog Balkana (u daljem tekstu: ZB). Po prvi put su ovdje, u kontekstu jednog regionalnog skupa, predstavnici vladinih i nevladinih institucija ZB i predstavnici organizacija dijaspore zajedno diskutovali o ulogama i dužnostima raznih aktera u kontekstu politika migracije i dijaspore. Te diskusije naglasile su sve veći značaj regionalne saradnje između predstavnika vladinih institucija, kao i predstavnika dijaspora ZB. Kao primjer platforme za razgovore, ovom radionicom:

- Naglašeni su aspekti koherentnosti politika i značaj te koherentnosti,
- Postignuto je bolje razumijevanje značaja koherentnosti politika,
- Pružena je mogućnost za razumjenu projektnih ideja, interesa i očekivanja,
- Podržan je dijalog na raznim nivoima,
- Naglašeno je da međunarodne organizacije, vladine i organizacije u dijaspori treba da se sastaju kao ravnopravni partneri,
- Omogućena je izgradnja povjerenja na raznim nivoima.

Pored ovoga, predstavnici organizacija dijaspore najavili su da će osnažiti svoju međusobnu saradnju u Njemačkoj, kao i u ostalim zemljama prijema, te su imali priliku prezentirati svoje aktivnosti. Saradnja u zemljama prijema može biti poboljšana uspostavom mreže saradnje između raznih organizacija dijaspore u Njemačkoj i svijetu kako bi se na taj način bavili zajedničkim interesima.

U skladu sa ciljevima radionice, njeni glavni rezultati su:

- (a) Svi akteri koji se bave pitanjima dijaspore i razvoja razmijenili su gledišta o značaju komplementarnih aktivnosti i odnosa. Svjesni su najvećeg stepena važnosti koherentnosti politika i međusobne institucionalne saradnje u svim fazama procesa kreiranja odnosno implementacije politika,
- (b) Akteri dijele razumijevanje o tome kako pokrenuti i upravljati uspješnim institucionalnim partnerstvima i savezništva sa drugim akterima. Pored uspostave koordinirajućih tijela i uključivanja pitanja dijaspore u dijalog, neophodni kontinuitet dijaloga zasnovan je na jasnim mandatima i jakoj političkoj volji.
- (c) Razgovori učesnika o pristupima produbljivanju i aktiviranju (nove) institucionalne saradnje na svim nivoima koherentnosti kako bi se potencijal dijaspore uključio u jačanje održivog razvoja doveli su do određenih preporuka. Pored neophodnog dijaloga između vlada i dijaspore, u diskusijama je istaknut veliki interes za lokalne

aktivnosti migranata i potrebe za razmjenom strategija i lokalnih pristupa (npr. pristupi Srbije i Kosova na nivou opština). Pored toga, predstavnici organizacija dijaspore promovirali su šanse za aktivno učešće u procesima izrade strategija razvoja i ostalih politika u zemljama njihovog porijekla.

(d) Ojačana je regionalna saradnja između vladinih i nevladinih institucija i drugih aktera u regiji ZB. Ova radionica poslužila je kao neutralna platforma za razmjenu najboljih praksi u regiji i međunarodnih pristupa. Pored toga, skup se može posmatrati i kao aktivnost izgradnje povjerenja, u okviru kojeg je posebno identifikovana potreba za jačanjem dijaloga između kreatora politika i predstavnika dijaspore.

Uz ostale izazove i pitanja koja bi trebalo da budu prodiskutovana na regionalnom forumu, potrebni su i zajednički pristupi instrumentima finansiranja. **Još uvijek na ZB ne postoji zajednički pristup za korištenje EU fondova i često potencijal za zajedničke aktivnosti ostane neiskorišten.**

Učesnici su ponovo potvrdili izraženu potrebu za spajanjem regionalnih resursa i jačanjem regionalne razmjene iskustava. Zato su glasali za nastavak ove serije radionica. U toku radionice ponuđene su sljedeća dva mjesta mogućeg održavanja sljedećeg skupa:

- Predstavnici Ministarstva za dijasporu Kosova¹ pozvali su sve prisutne aktere da sljedeća radionica bude održana na Kosovu² i još jednom podvukli jasnu opredijeljenost Kosova³ da saraduje sa zemljama ZB i organizacijama dijaspore.
- Organizacije dijaspore u Njemačkoj su poslale zajednički poziv da sljedeća radionica bude održana u Njemačkoj, kako bi bio ojačan dijalog među akterima politika o dijaspori u zemljama regije i njihovih organizacija dijaspore.

Angažman dijaspore ima snažnu regionalnu dimenziju. U skladu s tim, jačanje regionalne saradnje treba da bude zajednički cilj svih aktera uključenih u politiku o dijaspori na ZB.

(Sektor za iseljeničtvo Ministarstva za ljudska prava i izbjeglice BiH - neslužbeni prijevod s engleskog jezika stranica 29 i 30 GIZ-ovog izvještaja pod nazivom „Third Regional Workshop on “Migration Policy in the Western Balkans” Focus: Institutional Setting of development-oriented Diaspora Policy, 22nd-23rd October, 2012, Sarajevo, Bosnia and Herzegovina, januar 2013. godine)

¹ Ovaj naziv je bez prejudiciranja statusa i u skladu je sa Rezolucijom Savjeta bezbjednosti Ujedinjenih nacija 1244/99 i mišljenjem Međunarodnog suda pravde o deklaraciji o nezavisnosti Kosova.

² Ovaj naziv je bez prejudiciranja statusa i u skladu je sa Rezolucijom Savjeta bezbjednosti Ujedinjenih nacija 1244/99 i mišljenjem Međunarodnog suda pravde o deklaraciji o nezavisnosti Kosova.

³ Ovaj naziv je bez prejudiciranja statusa i u skladu je sa Rezolucijom Savjeta bezbjednosti Ujedinjenih nacija 1244/99 i mišljenjem Međunarodnog suda pravde o deklaraciji o nezavisnosti Kosova.